

二臣傳
羊

一

二

三

四



貳臣傳卷之九

張鳳翔列傳

張鳳翔山東堂邑人明萬歷二十九年除廣平府推官尋擢給事中時太僕卿南企仲以請罷礦稅鑄級鳳翔迎上意劾企仲他事企仲遂削籍天啟間累遷兵部侍郎巡撫保定以東林黨爲給事中薛國觀劾罷崇禎初復故官二年遷工部尙書十一月京師戒嚴以軍械不備下獄四年四月久旱求言言者多請緩刑鳳翔得免死戍邊衛尋召還授兵部侍郎十七

年三月李自成陷京師鳳翔受拷掠及賊西遁乘間
歸里尋至福建爲明唐王朱聿鍵浙直總督

本朝順治三年大兵定福建鳳翔投誠授戶部右侍郎

五年七月調吏部左侍郎六月遇

恩詔加右都御史銜八年閏二月擢工部尙書是年遇

恩詔加太子太保九年十二月疏言吏部之官制考戶部之

賦役書禮部之禮儀志兵部之兵制考刑部之刑法
志工部之水部備考都察院之憲綱臺規宜統送內
院開局纂修博選學識老成才品端方之彥準古酌

今輯成

本朝會典又疏言移風易俗自

輦轂始邇來官員非有吉慶典禮每一酒席費至二兩
戲一班費至七兩宴會頻仍耗糜物力往來絡繹勞
敝精神非所以表率四方宜飭令節省疏並下所司
議行十年正月乞休

詔乘駟

回籍十四年卒山東巡撫耿惇據其孫廕生元靜額

請

恩卹爲

之人奏疏中有渭濱元老股肱大臣語

諭責焯稱許太過仍下部議祭葬如例

吳偉業列傳

吳偉業江南太倉人明崇禎四年一甲二名進士授編修八年大學士溫體仁罷張至發柄國極頌體仁孤執不欺偉業疏言體仁性陰險學無經術狎暱小人繼之者正宜力反所爲乃轉盛稱其美勢必因私踵陋盡襲前人所爲將公忠正直之風何以復見海宇禍患何日得平疏入不報尋充東宮講讀官又遷南京國子監司業轉左庶子福王時授少詹事與大學士馬士英尙書阮大鍼不合請假歸

本朝順治九年兩江總督馬國柱遵

旨舉地方品行著聞及才學優長者疏荐偉業來京十年吏部侍郎孫承澤荐偉業學問淵深器宇凝宏東南人才無出其右堪備

顧問之選十一年大學士馮銓復荐其才品足資啟沃俱下部知之尋

詔授秘書侍講十二年恭纂

太祖

太宗聖訓以偉業充纂修官十三年遷國子監祭酒尋丁母

憂歸康熙十年卒

夏成德列傳

夏成德廣寧人明松山城守副將崇禎十四年洪承疇率兵十三萬援錦州次松山我

太宗文

皇帝親擊敗其衆留肅親王豪格等圍之明年二月

成德自松山城內遣其弟景海詣軍營納款往返者四並以子舒爲質約大兵由成德分守界夜間樹雲梯登城成德率步卒內應我軍如其約及他守將覺則我軍已畢登生擒承疇及巡撫邱民仰總兵王廷臣曹變蛟等是爲

本朝崇德七年肅親王奏斬不降之邱民仰王廷臣曹變蛟而令成德趨詣

盛京

上命禮

部承政滿達爾漢出城十五年宴勞之以成德及隨

賜宴降

臣洪承疇等資貂裘蟒緞等物成德並預焉順治九

年敘投誠功授三等子世爵景海亦授一等輕車都尉八年大兵既定山東授成德沂州總兵時明福王朱由崧據江南其漕運總督路振飛率兵圍降賊副

將董學禮于宿遷學禮通欵我

朝

成德赴援收振飛兵又遣遊擊劉范德等取贛榆明都司王有年守備王建仁拒戰敗死餘衆舉城來歸十二月籍沂州久未歸里之大學士張四知等財產疏請入官得

旨地方

人產非武弁職司夏成德何得越俎下山東巡撫方大猷等察核

諭曰前明紳士歸順之後又復逃竄所司自當

奏報卽人產入官意在懲前警後非朝廷利其所有若在

未經歸順以前止令有司察守俟其投誠給還不得一概籍沒二年正月成德疏

請

頒給方印并乞

勅兵部給其標下將佐條印奉

旨夏成德已領關防何得復請方印營將既屬總兵

統轄舊制亦無條記所奏俱不准行三月青州道韓昭宣揭成德越境縱掠成德亦揭昭宣攫金肥己狀昭宣故明寧遠兵備道來降授官者也河道總督楊

方興疏言道臣鎮臣之互揭皆由久在明季宦途因
陋襲弊臣竊見明季文武各官不思奉公守法惟知
營私挾仇以致國事敗壞我

朝定鼎之初正宜盡湔故習乃昭宣之心力不盡于吏
治而近于逐羶成德之兵威不用以防邊而用以勾
攝一則貪婪納賄一則橫暴擾民若不大伸

國法何以懲儆官邪乞

勅審究疏入揚方興會同撫按勘擬革昭宣職成德徹回京
尋病死子璞襲世爵

吳惟華列傳

吳惟華順天人先世本蒙古有巴圖特睦爾者仕明賜姓名曰吳允誠封恭順伯子克忠進侯爵七傳至惟英崇禎十六年十二月卒未襲惟華其弟也明諸生

本

朝順治元年睿親王多爾琿至京師惟華縋城投順自稱應襲恭順侯請招撫山西自効許之時江南未平糧道阻絕惟華以明總兵朱國弼駐淮揚統理漕務請王作書遺國弼部將張國光諭令來歸俾通漕